

漢

隸

辨

體

漢隸辨體卷第四

諸城尹彭壽學

ㄅ部

江紅周憬功勳銘自瀑亭至平曲紅壹由此水又碑
陰宰曲紅者一人貫曲紅者十六人隸釋云兩漢
書皆作曲江諸家地理書皆云水流屈曲故曰曲
江唯水經云縣昔號曲紅山之名也未知水經何
所據桂氏馥案名勝志云漢置曲紅以東有曲紅
岡也卽今韶石因其下有江故改名曲江或云以

滇水屈曲爲名利水卽科斗勞水南流逕韶石又
南逕石下注東江卽始興水卽曲江也

沮且婁壽碑榮且溺之耦耕按以且溺爲沮溺詩邶
風旣亟只且與鄭風唐風諸且字釋文並子餘反
此非同音而借或漢時論語有不同也

淦塗孫叔敖碑若冠章甫而望淦炭也隸釋云淦卽
塗字

淦周憬功勳銘行旅語於淦陸按說文注徐鍇曰
周禮塗路字作淦古無塗字漢書禮樂志大朱淦

廣師古曰涂道路也釋名涂度也人所由得通度也又鄒令景君闕銘假涂鄰口魏大饗碑陳兵清涂張平子碑垂名于一涂塗亦作涂

淹淹夏承碑淹疾卒官按淹當爲淹滯之淹隸釋云以淹爲奄非是

澠離孔鮒碑奏離陽宮按漢書地理志注師古曰魚豢云漢火行忌水故去洛水而加佳如魚氏說則光武以後改爲離字也

宛女華山廟碑汝南女陽人隸釋云以女陽爲汝陽

按漢書地理志作女陽師古曰女讀曰汝

潞路劉寬碑陰漁陽路隸續云以路爲潞按漢書地理志漁陽郡有路縣又郡國志作潞二字古通用
淇綦張公神碑運置綦陽又鬱朝綦陽隸釋云以綦爲淇按山海經沮洳之山瀑水出焉注今淇水淇與瀑同瀑陽去水爲綦猶他碑汶陽去水爲文也
浹韓勅碑陰兗州從事按卽兗字說文本作兗從
台變隸從允碑復於公上加八

灋高彪碑流化外黃質管藿檀按博物志文王以

太公望爲灌壇令朞年風不鳴條碑蓋以灌壇爲灌壇也

漸澱復民租碑澱潤宿麥隸釋云以澱爲漸按澱與漸古通用漢書郊祀志漸臺在池中爲水所浸故曰漸師古曰漸臺漸字三輔黃圖或爲澱
澱脩華嶽碑澱潤品物按碑亦以澱爲漸

漸劉寬碑公曰演策沈漸對當帝心按玉篇漸入也慈歛切又子廉切沈漸蓋深沈漸入之義字原云漸義作潛非是

灤水郿閣頌醪散關之嶰灤按廣川書跋云灤當作
濕是也說文濕從𣶒𣶒從日從絲累卽𣶒之省而
譌日爲田耳如顯亦從𣶒綏民校尉熊君碑顯皆
爲顯與濕之爲灤正同漢書功臣表有濕陰定侯
地理志霍去病傳王莽傳皆作灤陰則濕灤本是
一字故前碑以濕爲溼此碑亦以灤爲溼經典相
承專以灤爲濕水之濕此歐公集古錄跋於此碑
灤字不能無疑而謂莫詳其義也

文
史
晨
後
碑
文
陽
馬
琮
隸
釋
云
以
文
陽
爲
汶
陽
按

韓勅碑陰文陽鮑官與此碑同漢書地理志後漢書郡國志皆作汶陽屬魯國

瀋寯華山廟碑寯用丘虛按漢書成帝紀黨與寯廣師古曰寯古浸字廣韻云字林作寯

鴻石經尙書殘碑口伊鴻水曰陳其五行按碑蓋以鴻爲洪禮記祭法鯀鄆鴻水而殛死史記夏本紀鴻水滔天河渠書禹抑鴻水洪皆作鴻說文鴻鴻鵠也洪澤水也秦漢諸書所言鴻水鴻範皆作鴻今書作洪通

泥兄脩華嶽碑兄乃盛德隸釋云以兄爲況按詩小雅況也永歎釋文云況或作兄管子大匡篇兄與我齊國之政況亦作兄二字古蓋通用

汾云張納功德敘口武汾云按楊雄長楊賦汾云沸渭文選李善注汾云眾盛貌隸釋云以汾云爲紛紜非是

浩皓三公山碑或有恬淡養皓然兮字原云義作浩按史記河渠書皓皓肝肝兮閭殫爲河皓與浩同
蘭侯成碑泣涕汎蘭按蘭與蘭通漢書息夫躬傳

泣涕流芳萑蘭卽汎瀾也

汎汎周憬功勳銘汎舟楫兮有不避按說文汎濫也
汎與汎古蓋通用禮記王制疑獄汎與眾共之釋
文云汎本又作汎魏大饗碑將汎舟三江之流汎
亦作汎汎本又從已碑變從已

礧礧樊安碑慷慨礧憤隸釋云礧卽激字按類篇礧
或作礧又下革切實也碑蓋以礧爲激非卽激字
礧逢盛碑感礧三成隸釋云以礧爲激按說文礧
幸也類篇云礧又吉歷切疾也碑亦同音而借也

澤畢孫叔敖碑收九畢之利隸釋云澤去水而爲畢
按荀子載畢芷以養鼻楊倞注云畢當爲澤寫遺
其水耳今此碑亦然蓋古或省水非遺其水也

熒熒韓勅後碑河南熒陽按漢書地理志後漢書郡
國志皆作滎陽字從水周禮職方民其川熒雒注
熒在熒陽其字從火與此碑同劉寬碑陰河南熒
陽鄭烈碑熒陽將封人也滎亦作熒

灘歎韓勅碑青龍在沿歎隸釋云以歎爲灘按爾雅
釋天太歲在甲曰沿灘史記歷書亦作沿灘

渡渡老子銘蟬蛻渡世按廣韻渡去也碑云渡世乃
去世之義隸釋云渡與度同非是

泚泚劉寬碑陰丁泛文海按卽泛字廣韻云同汎

渥屋堯廟碑赫如屋赭隸釋云借屋爲渥按渥古音
屋碑蓋同音而借也易萃卦一握爲笑釋文云握
傅氏作渥鄭云當讀爲夫三爲屋之屋

給給逢盛碑歲在協給隸釋云太歲在未曰協洽此
作協給亦借用也

漚漚楊君石門頌遼尋弗前隸釋云遼卽滯字按禮

記內則右佩玦捍管籥釋文云籥時世反徐作滯
是蓋同音借用非籥卽滯也

溼孫叔敖碑下濕曉确按說文作溼幽溼也從水
一所以覆也覆而有土故溼也徐鍇注曰今人不
知有此溼字以濕爲幽溼非是五經文字云濕他
而反兗州水名經典相承以爲燥濕之濕

淮桐柏廟碑淮則大聖按準則之準說文從水從
隼玉篇云俗作淮然管子書準字皆作淮莊子平
中淮文子放淮循繩淮南子眇者使之准王褒洞

簫賦夔襄准法皆以准爲準宋周必大二老堂雜
志曰勅牒準字去十爲准或謂因本朝寇準爲相
而設然吾見唐語五代堂判多矣亦作准字是准
字由來已久不自宋始也然諸說但言去十不言
消水後魏仇儒爲趙準造祓言曰燕當領趙當續
欲知其名淮水不足

北史長孫肥傳惟此末句得之

湯蕩郝閣頌山崔隗予水流蕩蕩按卽湯字蕩與湯
古蓋通用如蕩陰亦作湯陰是也


澤寧仲定碑泥而不宰隸續云以宰爲澤史記屈原

傳泥而不滓注音惱

澣 老子銘或有浴神不死隸釋云以浴神爲谷神
按道德經釋文云谷河上本作浴浴者養也則當
時傳本蓋有不同未必以浴爲谷也

澣 郊令景君闕銘姦邪洒心隸釋云洒卽洗字按
孟子願比死者以洒之正義曰今願爲死不惜命
者以洗除之漢書馬宮傳幸蒙洒心自新師古曰
洒音先禮反莊子山木篇去皮洒心釋文云洒本
又作洗說文洒澣也洗洒足也今人段洗爲洒非

古字

 天井道碑夏雨滑汰按說文泰滑也徐鉉曰本音他達切今左氏傳作汰又按說文泰古文作太六書故云俗作汰今相承泰音他蓋切以爲通泰之泰汰音他達切爲滑汰之汰又音他蓋切爲沙汰之汰

太張休嵬溪銘太山雖高按太山卽泰山泰與太古蓋通用孟子泰山太山並見史記封禪書亦作太山

秦魏元丕碑遭泰夫人憂隸釋云漢人書碑廟號如太宗官名如太尉太常太守太中地名如太原太陽之類皆作太泰山亦作太此碑載魏君之母卻作泰夫人其用字故相反如此按漢書食貨志收泰半之賦郊祀志祭泰一地祇賈誼傳不泰迫乎太皆作泰

伏太尉公墓中畫象伏尉公隸續云漢碑書太字皆無點字書有伏字與大同音注云海地名從人從犬者則是倚伏之伏此碑所云伏尉公蓋是

用伏爲大卽大尉公也

滅威靈臺碑興威繼絕隸釋云以威爲滅按古文尙書滅皆作威詩小雅褒似威之釋文云威本又作滅左傳昭元年詩曰褒似滅之說文威滅也滅盡也其義同

泮畔史晨奏銘飲酒畔宮按周公禮壁記開建畔宮任伯嗣碑修序畔校皆以畔爲泮詩衛風隰則有泮傳云泮坡也箋云泮讀曰畔泮與畔古蓋通用邶風迨冰未泮傳云泮散也則段泮爲判韓勅碑

新刊
倍道畔德畔又通叛

潔絜校官碑蹈公義之絜按廣韻潔經典用絜

契魯峻碑樂於陵灌園之契隸釋云契卽潔字按
梁休碑秉忠蹈契苑鎮碑契擬季文繁楊令楊君
碑契己巳仕潔皆作契

澎
澎北海相景君銘孝子澎懔顛倒剝摧按玉篇澎
惇自强也懔字不載字書疑借澎懔爲澎潏形容
其涕淚之橫流也

ㄩ部

磷磷州輔碑摩而不鄰按論語作磷鄰與磷古蓋通
用詩唐風白石鄰鄰釋文云鄰亦作磷

𡩺部

雍𡩺雍西狹頌四方元雍按周禮秋官雍氏穀梁傳母
雍泉史記秦始皇本紀先王知雍蔽之傷明也漢
書武帝紀雍於上聞也雍皆作雍

雍脩華嶽碑泰氣雍容字原云義作雍按漢書五
行志靡河三日不流師古曰靡讀曰雍

荒𡩺荒𡩺費鳳碑歲格于大荒按爾雅釋天太歲在己曰
大荒落大荒卽大荒落省文說文荒水廣也引易
包荒用馮河今易作包荒五經文字云荒古荒字

佩
唐扶頌衍衍閭閭按碑以衍衍爲侃侃孫根碑
衍謬不撓袁良碑其節衍然侃亦作衍

谷部

谿漢馮緄碑南征五谿按廣韻谿同谿

部

𠂔 冰 夏堪碑摻絜冰雪按五經文字云冰古凝字經
典相承以爲冰凍字說文冰凍之冰本作𠂔後人
以冰代𠂔今俗別作冰非是

凍 凍 張納功德敘卹澹凍餒按爾雅大雨謂之凍說
文凍水出發鳩山碑蓋借凍爲凍

雨部

霑 白石神君碑澍雨沾洽通作霑字按說文沾水
出壺關東入淇一曰沾益也徐鉉曰今別作添非
是

霆庭 朱龜碑威神庭電隸釋云以庭電爲霆電

雲部

霽蔭楊君石門頌淥泥常蔭隸釋云以蔭爲陰按左
傳昭元年趙孟視蔭曰朝夕相及杜注蔭日景也
釋文云蔭於金反本亦作陰漢書五行志引此語
師古曰蔭讀與陰同說文霽雲覆日也引申爲兩
儀之陰古文作𩇛蓋霽而無雨也而霽字僅見大
戴禮記文正官人篇素問五帝正大論

魚部

鯨鮪周憬功勳銘鮪莫沙于禹不規按禹父之字古
多作鯨作𩚑五經文字云鯨經典釋文或作鮪漢
書古今人表鮪驩兜欲與爲惡則誅楚辭天問鮪
何聽焉鯨亦作鮪

鰕鰕北海相景君銘元元鰕寡按卽鰕字變魚從角
矜唐扶頌不侮矜寡按經典鰕通用矜段氏玉裁
曰鰕寡字古祇作矜矜卽憐之段借

鯨鰕白石神君碑地無鰕陽按周禮庖人凡其死生

魚蓐之物又冬行魚羽魚古鮮字

鮮魯峻石壁殘畫象鮮明騎按卽鮮字他碑從魚
之字或省作角隸續云以鮮爲鮮非也碑俗作解
諸碑從刀從牛無從羊者

飛部

飛蜚韓勅後碑蜚于倉天按廣韻飛古通用蜚史記
周本紀蜚鴻滿埜正義曰蜚古飛字也張公神碑
駕蜚魚夏堪碑魂蜚揚飛亦作蜚

非部

𪛗 𪛘 蔡湛頌飛陶唐氏有孰能口口口乎隸釋云以
飛爲非按孔耽神祠碑天授之性飛其學也非亦
作飛

鹵部

𩇑 石經尙書殘碑潤下作𩇑按鹵从米應是古文
積古齋鐘鼎款識魯公作文王鼎魯作囙漢隸猶
存其形

戶部

屨𡵓𡵓衡方碑𡵓先蓋堯之𡵓按說文𡵓擊也乃後增之字屨始也從戶從聿集韻云𡵓通作𡵓非𡵓本有始訓五經文字止收𡵓以𡵓爲俗是也惟諸碑皆變文從𡵓而不從𡵓

屨依魏受禪表負依而治字原云義作屨按儀禮聘禮天子設斧依於戶牖之間鄭氏注云依如今綈素屏風也禮記曲禮天子當依而立釋文云依本又作屨同漢書徐樂傳南面背依攝袂而揖王公

師古曰依讀曰展

衣石經尙書殘碑黼衣隸釋云孔作展

門部

闕闕堯廟碑地致墻堦石闕二坐隸釋云商君傳持
矛而操闕戟闕音翕字書檣與榻同此蓋借闕爲
榻按此說非也碑云脩治口墜地致墻堦石闕二
坐口昭配帝圖象規矩五口口畫上下相承無所
遺六陟互旌密有斑道之巧旣曰地致則非在殿
中又曰上下相承亦非石榻之制疑其以闕爲闕
說文云闕樓下戶也廣韻云門樓二屋隸續載王
稚子二闕其制兩角有斗斗上作重屋四壁刻神

像人物車馬之類石闔二全疑是殿前雙闕故曰
配帝上作重屋故名石闔又曰上下相承四壁亦
刻神象人物車馬之類故曰圖象規矩陟互旌密
也

開闔闔韓勅碑前闔九頭以什言教按易繫辭開物成
務釋文王肅作闔儀禮大射儀注猶闔也釋文云
音開漢書兒寬傳發社闔門匈奴傳迺遣闔陵侯
將兵別圍車師師古曰闔讀與開同說文開張也
闔開也義同故通用

閼閼白石神君碑華殿清閼蓋借閼爲閼

閼遏陳球碑當周盛德有虞遏父爲陶口隸釋云左
傳虞閼父爲周陶正而此作遏父按遏與閼音義
同故得通用

閼垓楊君石門頌垓高无難按廣韻礙亦作砅碑則
以垓爲砅

閼閼帝堯碑排啓閼閼隸釋云閼讀爲閼按漢書楊
雄傳西馳閼閼師古曰閼讀與閼同

耳部

驛識脩華嶽碑周禮識方氏集古錄云以職方氏爲識方氏其字畫分明非譌缺疑當時周禮之學自如此

聞問夏承碑令問不已按詩大雅作令聞不已聞與問古蓋通用書堯典孔傳云故其名聞充溢四外釋文云聞音問本亦作問孫根碑令問弗銘與此碑同

聘聘樊敏碑再奉朝聘隸釋云以聘爲聘按說文聘

訪也玉篇娉娶也急就章妻婦娉嫁齋滕僅王應
麟音釋云皇象書娉作聘聘與娉古蓋通用再注
女部

匠部

頤頤鄭固碑頤親誨弟按卽頤字說文頤與臣同諸
碑從臣之字或省作匠如熙爲熙姬爲姬之類綏
民校尉熊君碑頤志皓首高頤碑君諱頤李翊夫
人碑鳳延頤兮涕交頤頤皆作頤

手部

撻 李翊夫人碑勤養撻撻隸釋云撻卽拳字按國語子有撻勇莊子讓玉篇撻撻乎后之爲人拳皆作撻

攬 婁壽碑挽髮傳業按玉篇挽同擊說文云楊雄曰擊握也

撻 費鳳別碑擐棠而涉洧按詩鄭風作蹇裳說文作撻碑省衣

撻 任伯嗣碑姦軌撻手按隸續云以撻爲歛非也

說文云檢拱也檢書署也廣韻云檢俗作檢二字
或通用蓋檢手乃拱手義以檢爲檢非以爲歛也

拜搯搯楊著碑搯思侯相按卽拜之本字見周禮

摧摧侯成碑鴻儀催零隸釋云以催爲摧按說文催
相搆也引詩室人交徧催我今詩邶風作摧

確費鳳別碑肝確意悲隸釋云以確爲摧

搯搯議郎元賓碑卽有殊搯按博雅搯搯也詩搯執
子之祛兮釋文音所覽切五經文字云搯與搯同
皆非也以此碑及博雅註之搯卽搯字搯變爲搯

亦變爲摻從叅從參者參叅本一字也

禽校官碑禽姦莠猾按擒通作禽史記五帝本紀
遂禽殺蚩尤漢書高帝紀此所以爲我禽也禽與
擒同張納功德敘所向禽擒亦作禽

濫鑿

衡方碑撫英接秀按漢書五行志是以撫仲舒

師古曰撫字與擘同說文曰撮持也

撫逢盛碑撫育孩嚶按漢書趙充國傳撫循和輯
撫與撫同字原云義作俯非是

攬攬李翊碑時益部攬穰隸釋云以攬穰爲攬穰按

樊敏碑京師擾穰周公禮壓記會直擾亂擾皆作
擾省變爲夏

𦏧𦏧蔡湛頌少律以𦏧姦按詩君子偕老傳𦏧所以
摘髮也釋文云摘本又作𦏧非也𦏧直戟反若从
許說則作𦏧髮爲是𦏧正音他狄反宜音剔以象
骨搔首因以爲飾名之曰𦏧故云所以𦏧髮說文
𦏧搔也摘拓果樹實也蓋拓者抬也禮記曲禮注
尙可指𦏧漢書趙廣漢傳其發姦𦏧伏如神摘與
𦏧古雖通用實音義殊

楊楊鄭固碑君大男孟子有楊烏之才漢隸拾遺云
楊烏卽法言所謂吾家之童烏也劉貢父謂子雲
本姓揚从手不从木授堂金石跋云漢書揚雄傳
其先出自有周伯僑者以支庶食采於晉之揚因
氏焉左傳楊从木此碑亦从木蓋揚與楊或可兩
用之

楊曹全碑兗豫荆楊漢隸拾遺云藝文類聚州部
初學記州郡部太平御覽州郡部三引尙書周官
爾雅楊州字皆从木佩觿云楊柳也亦州名又按

禹貢淮海惟揚州正義引李巡爾雅注江南其氣
燥勁其性輕揚則不當从木然宋本爾雅史記並
从木是皆可見揚州字之本从木矣自唐張參五
經文字以从木爲非而開成石經遂定从手旁後
人並以厥性輕揚之語遂謂宜从手旁不知以揚
釋楊猶以壅釋雍也若改揚州爲揚州則亦將改
雍州爲壅州乎而今書傳中揚州之楊皆改矣惟
漢碑字不能改故至今存耳復按唐風揚之水釋
文或作楊木之字石經魯詩殘碑云胡其憂之下

是楊木字可知揚之水魯詩作楊釋文所駁或文
本魯詩也卽魯詩可爲作楊之碣證漢代惟馮緄
碑督使徐揚二州陳球碑陸梁荆揚皆从手應是
傳寫之誤而漢隸拾遺引之則皆从木也

𢇛 𢇛 𢇛 孔龔碑 𢇛 馬 𢇛 害 隸釋云 𢇛 卽 𢇛 字 金石文字
記云 碑云 𢇛 馬 者 易 明 夷 六 二 渙 初 六 皆 曰 用 𢇛
馬 壯 𢇛 字 子 夏 傳 說 文 字 林 並 作 𢇛 上 舉 也 漢 時
所 傳 如 此 而 今 作 𢇛 者 唐 開 成 以 後 所 定 也 又 按
方 言 出 休 爲 𢇛 周 禮 職 幣 注 振 猶 𢇛 也 大 司 徒 注

振窮拊救天民之窮者也新唐書楊於陵傳拊救
貧民用此字

賑振繁陽令楊君碑助官振貧按賑贈之賑經典通
用振說文賑富也與舉救意不同

𦨇 𦨇 魏大饗碑上索躡高𦨇鼎緣橦按說文𦨇舉角
也古雙切玉篇作𦨇西京賦烏獲𦨇𦨇都盧尋橦
李善注𦨇與扛同古𦨇切字原誤釋作𦨇

擬 擬 郁閣頌雖昔魯班亦莫擬象按類篇擬借作擬
禮記曲禮擬人必於其倫正義曰擬比也

戀學唐公房碑妻子學家不忍去隸釋云學卽戀字
按說文學係也易小畜有孚學如釋文云學子夏
傳作戀云思也蓋後人改作古無戀字虞翻曰學
引也思學之義亦卽係學之義漢書外戚傳學學
顧念又敘傳旣繫學於世教矣戀皆作學

躡辟夏承碑臣隸辟踊按玉篇躡亦作辟五經文字
云辟經典又爲躡踊之躡禮記檀弓辟踊哀之至
也辟卽躡字

躡費鳳別碑諸姑咸躡踊隸釋云以躡爲躡按躡

卽蹠字乃跛蹠之蹠蹠踊之蹠其字從手隸釋誤也經典蹠或借辟諸碑辟或借璧以璧爲蹠猶以璧爲辟也

播朱龜碑口𠂔微馨隸釋云𠂔卽播字按說文𠂔古文番書舜典播時百穀古文尙書作𠂔播與番古蓋通用字原引說文云播古作𠂔非也魏呂君碑將遂𠂔聲於方表播亦作𠂔

擯張遷碑聰麗擯略藝於從政按卽推字變崔爲崔博雅云揚推都凡也徐鉉說文注曰人謂粗略

而舉之曰揚摧碑云摧略者猶揚摧也

𡗗 劉寬碑𡗗浮雲之志按碑蓋以𡗗爲抗諸碑無
抗作𡗗亦作亢三字古蓋通用

捷 張納功德叙收功獻捷按是捷字之誤非變捷
爲建也

女部

性 樊安碑爲天下著性隸釋云以著性爲著姓按
戚伯著碑胄周別封氏衛咸邑而爲性焉亦以性
爲姓

羸 羸郭仲奇碑遭羸項之際高祖初起隸釋云羸卽
羸字按史記秦本紀舜賜姓羸氏變羸爲羸羸項
卽秦項也

嫺 嫺平輿令辭君碑嫺族畢口按說文姻籀文作嫺
周禮地官孝友睦嫺任恤卽嫺字也

斐曹全碑大女桃斐金石文字記云揚雄反離騷
昔仲尼之去魯兮斐斐遲遲而周邁師古曰斐斐
往來兒也說文斐往來斐斐也蓋與毛詩駢駢同
義非實字也列仙傳江斐二女則竟以爲妃之異
文文選左思蜀都賦娉江斐與神遊吳都賦江斐
於是往來五臣並作妃魏書刑法志有河陰縣民
張智壽妹容妃則固有以民間女而稱妃者按上
郭輔碑娥娥三妃其銘辭也文云有四男三女三
妃卽此三女則知漢人以妃爲女之通稱

𡵚 紕徐氏紀產碑考紕徐氏隸釋云以紕爲妣

媚眉仲定碑不眉近戚字原云義作媚按集韻眉一

曰媚也娥眉劉向列仙傳作娥媚眉與媚古蓋通

用

𡵚 𡵚張表碑旌命𡵚任按說文作𡵚𡵚曲也古借委

爲𡵚曲碑又借𡵚爲委任

熙熙 熙劉寬碑熙精恬默祝睦後碑煮屬欽熙皆作熙

熹祀三公山碑神熹其位蓋以熹爲熙和樂也陶

淵明歸去來辭恨晨光之熹微注熹亦熙字

唐扶頌治致應熹按六書故熹與熙通

禧靈臺碑萬國禧宜蓋以禧爲熙漢書禮樂志熙事備成師古曰熙與禧同是禧又通用熙也

喜膠東令王君斷碑庶績咸喜隸續云以喜爲熙
適郭究碑雒陽令之適按與嫡同經典皆以適爲
嫡

嬰逢盛碑拊育孩嬰按以嬰爲嬰

聘樊敏碑再奉朝聘按說文聘問也聘訪也二字
義通古同用之左傳成十一年聲伯之母不聘釋

文出不媯云本亦作聘是也今經典專用聘而以
媯爲別字矣

偷愉愉繁陽令楊君碑不愉祿求趨按與偷同周禮小
司寇注故舊不遺則民不愉六經正誤云此注是
引論語文論語作偷楚辭卜居偷以全吾軀兮註
偷一作愉洪興祖曰愉與偷同

攘攘李翊碑益部攬攘隸釋云以攘爲攘按禮記月
令九門磔攘釋文出攘本又作攘益攘古通攘樊
敏碑京師攬攘與此碑同

嬉

熹靈臺碑下營以水神龍所熹蓋借熹爲嬉

民部

岷萌楊震碑凡百梨萌按集韻岷通作萌史記周本
紀以振貧窮萌隸樂毅傳施及乎萌隸漢書劉向
傳民萌何以戒勉酷吏傳萌避于吏管子其人力
同而宮室美者良萌也並與岷同

ノ部

乂 艾石經尙書殘碑艾用三德隸釋云孔作乂按漢書五行志亦作艾用三德師古曰艾讀曰乂艾與乂古蓋通用詩小雅或肅或艾史記封禪書天下艾安乂皆作艾

艾曹全碑僂艾王敞王畢等按碑乂亦作艾

艾鄘閣頌艾康萬里按碑乂亦作艾

氏部

氏 𡚦 費汎碑因𡚦爲姓隸釋云𡚦卽氏字按說文𡚦
或作𡚦碑蓋借𡚦爲氏非卽氏字也

戈部

𠂔校官碑禽姦𠂔狷隸釋云剗省其刀按博雅𠂔傷也通志六書略云𠂔楚隈切搆傷也碑蓋卽用本字非省剗爲𠂔也

琴部

琴瑟 魯峻碑瑟書自娛按說文瑟象形古文作瑟从
金蓋弓金爲聲碑字與說文同惟孔彪碑彈琴擊
磬之琴則从金消也經典相承用之

乚部

直值張平子碑豈值取足於身中隸釋云以值爲直

亼部

望

柳敏碑望極爵位按說文望出亡在外望其還

也望月望也韻會云望通作望段氏玉裁曰望以
望爲聲望以望爲義其爲二字較然而今多亂之
𦣻𦣻袁良碑𦣻民不思按說文𦣻亡也從亡從𦣻隸
變作無益省𦣻爲無借爲有無之無𦣻本𦣻𦣻字
相混無別而鐘鼎文皆作𦣻從未有作𦣻者經典
亦然是𦣻爲段偃本字从亼者乃後出之分別字
无孔𦣻碑功垂无窮按說文𦣻奇字作无无通於

元者王育說天屈西北爲无易釋文云无音無易
无咎

無史晨奏銘而無公出酒脯之祠按無卽𣎵字說

文𣎵豐也商書庶艸𣎵無

今書作廡

說文新修字義𣎵

本蕃廡之廡李借爲有無之無後人尙其簡便故
皆從之蓋有無字本从亾若蕃廡字从大从冊數
之積也从林亦蕃多之義若不加亾何得爲有無
之無李斯書碑諱亾以諛始皇故借蕃廡字爲有
無字

匸部

匹匹 武榮碑鰐於雙匹按卽匹字馮緄碑收逋賓布
世萬匹李翊夫人碑早失匹又輔齊匹桓匹皆作
匹說文匹從八匸碑變從小廣韻云匹俗作疋則
又因匹而譌與疋字相混今俗以匹爲匹偶之匹
疋爲丈疋之疋復分兩字非是

曲部

𠂔曲校官碑除曲阿尉按說文𠂔𠂔𠂔也𠂔𠂔簿也
隸則變𠂔爲曲廣韻以曲卽說文𠂔字非是玉篇
云𠂔或作𠂔廣韻又有𠂔字注云蠶簿亦作𠂔引
漢書周勃織𠂔簿爲生則當時𠂔與𠂔尙自有別
今本漢書周勃傳改𠂔爲曲史記絳侯世家同而
兩字遂無辨矣

𠂔無極山碑窮窅𠂔隈按說文𠂔古文𠂔

弓部

彊彊陳君閣道碑車馬彊頊按碑蓋以彊爲彊廣韻
云彊屍勁硬也居亮切隸釋以爲借彊爲僵非是
彊桐柏廟碑弱而能彊按五經文字云彊弓有力
彊盛字合作此字遂段爲彊迫之彊彊者蟲名說
文彊蜥也今經典相承借用之

弛施丁魴碑已蜀施刑隸釋云以施刑爲弛刑按周
禮地官遂師辨其施舍鄭氏注云施讀曰弛也禮
記曲禮弛弓尙角釋文云弛本又作施同

弦部

𢇛紃孫叔敖碑去不善如絕紃按弦本作𢇛象經軫
之形碑乃移弓於右變𠂇爲糸祝睦碑紃頌興亦
同此文隸釋誤釋作紀

系部

猶繇嚳孫叔敖碑家富人喜優嚳樂業按說文嚳喜也
爾雅釋詁繇亦訓喜郭注云禮記曰詠斯猶猶卽
繇也禮記檀弓鄭氏注云猶當爲搖聲之誤也秦
人猶搖聲相近愚謂以爾雅說文証之猶當爲繇
或爲嚳不當爲搖漢書敘傳陸子優繇荀子優猶
知足碑云優嚳樂業卽優繇優猶之異文隸釋云
嚳卽游字非

繇韓勅碑復顏氏并官氏邑中繇按漢書高帝紀

高祖常繇洛陽應邵曰繇役也師古曰繇讀曰徭
古通用字

由

繇王君石路碑又從涂口繇平口口字原云與由
同漢碑多用此繇字按今各本說文無此字由聲
之字皆無根柢但詩書論語及佗經傳皆用由字
段氏玉裁曰象形會意今不可知或从田有路可
入也韓詩橫由其畝傳曰東西曰橫南北曰由毛
詩由作從蓋繇與由古今字

陶孔龢碑膺臯陶之廉恕按臯陶古文尙書作咎

繇陶與繇同古今字耳

糸部

繹張壽碑駱驛要請按駱驛與絡繹同說文駱下
又詩大雅徐方繹騷釋文云繹鄭作驛魯頌以車
繹釋文云繹崔本作驛爾雅釋訓繹繹生也刑
昺疏曰載芟云驛驛其達驛與繹音義同

經徑徐氏紀產碑雖直徑管按徑管卽經管左傳昔
趙衰以壺餐從徑餒而弗食正義曰劉炫改徑爲
經謂經歷飢餒史記高祖本紀高祖被酒夜徑澤
中索隱曰徑舊音經楚辭招魂經堂入奧注經一

作徑經與徑古蓋通用

絕繻袁良碑至王莽而繻按說文繻古文絕漢書路

溫舒傳繻者不可復屬師古曰繻古絕字

總摠晉鄭烈碑摠文武之宏略按廣韻摠與總同

纏纒張遷碑蓋其纏纏纒戎鴻緒按卽纏字與纏同

史記扁鵲傳動胃纏緣正義曰纏緣謂脈纏繞胃也

辮編魏孔羨碑殊俗解編髮而慕義隸釋云辮髮作

編髮按漢書終軍傳殆將有解編髮削左衽襲冠

帶要衣裳而蒙化者師古曰編讀曰辯

纚財西狹頌財容車騎隸釋云卽財字按以財爲纚
裁郭旻碑雖立碑頌裁足載字字原云與纚同按
漢書高惠高后文功臣表裁什二三師古曰裁與
纚同

財孔龢碑財出王家錢給大酒值按與纚同史記
孝文本紀太僕見馬遺財足索隱曰財與纚同漢
書李陵傳財令陵爲助兵杜欽傳廼爲小冠高廣
財二寸李廣利傳士財有數千霍光傳長財七尺

三寸揚雄傳財足以奉郊廟尹賞傳財數十百人
匈奴傳餘財三千人師古並曰財與纔同惟李廣
利傳注云與才同碑亦以財爲才言僅出王家錢
給大酒值若以財出王家析句財訓貨財者非是
說文纔帛雀頭色一曰微黑色如紺纔淺也讀若
讒一切經音義引三蒼纔僅也僅因淺爲義玉篇
音疾來切是古已有財音然說文才艸木之初也
是才爲正字才通用財說文亦有作財者如脈目
財覲也警一曰財見也更中財見也之類

緇祿魏受禪表襁祿之孤說文緇小兒衣也徐鼎臣
曰今俗作祿非是

維維石經尙書殘碑人維售字原云漢碑惟字多從
心獨尙書從糸餘不過一二

紕紕張納功德敘狂無拘紕之人卽紕字

絡駱張壽碑駱驛要請字原云義作絡繹按漢書王
莽傳著作者駱驛道路後漢書祭彤傳駱驛款塞
郭伋傳駱驛不絕呂布傳當駱驛復致王文考魯
靈光殿賦縱橫駱驛王褒洞簫賦或漫延而駱驛

成公綏嘯賦聲駱驛而響連絡繹皆作駱驛又張
公神碑車騎駱驛兮交錯重丁魴碑口起駱驛碑
蓋以駱驛與絡繹通用

繫 **𡗗** 北海相景君銘或𡗗頌於管弦說文𡗗相擊中
也繫繫紕也按古以𡗗爲繫周禮地官祭祀之牛
牲繫焉夏官校人三阜爲繫釋文皆出𡗗字云本
又作繫漢書景帝紀無所農耒𡗗畜師古曰𡗗古
繫字孔鮒碑演易𡗗辭孔彪碑揆裔𡗗辭繫皆作

𡗗

續郁閣頌經紀厥續隸釋云以厥續爲厥續按書堯典九載績用弗成古文尙書作績穀梁傳伯尊其無績乎釋文云績本又作績績與續古或借用細烟魏受禪表和氣烟熅隸釋云以烟熅爲細縕按說文煙火氣也煙或从因又壺壺也易曰天地壹壹今易作細縕或作氤氲博雅烟烟熅熅元氣也班固東都賦降烟熅調元氣王文考魯靈光殿賦含元氣之烟熅又孔美碑和氣烟熅皆作烟熅蓋壹壹爲正亦作烟熅別作細縕非以烟熅爲細

緼乃以烟煴爲壹壹也隸釋非是

壹朱龜碑星精壹緼隸釋云以壹緼爲緼緼按壹爲專壹之字古卽用爲緼字

綽卓唐扶頌朝有公卓隸釋云卽孟公綽也按左傳哀九年齊侯使孟公綽辭卽于吳釋文云綽本又作卓同

絲部

𦉰 夏承碑輻軒六戀按玉篇戀同轡

虫部

𧈧唐公房碑去其螟蠆按說文作蠃從虫從貸引

詩云去其螟蠃今詩作騰釋文云騰說文作蠃其
字從貸與此碑同與今本說文異五經文字亦作
蠃爾雅釋蟲食苗心螟食葉蠃左傳隱四年疏引
爾雅作蠃從貸從資相混已久

倭孫叔敖碑野無螟貳隸釋云以貳爲蠃按此碑
旣以貸爲蠃則蠃當從貸不從資也

𧈧李翊夫人碑飛蠹蠹方害仁良隸釋云以蠹蠹

作蠹蠹

蠹陳球後碑蜂聚蛾動隸釋云左傳蛾析戴記蛾
子時術列子未聚禽獸蟲蛾黃帝紀酒化鳥獸蟲
蛾元帝紀白蛾羣飛蔽日長楊賦扶服蛾伏皆讀
蛾爲蟻仲秋下旬碑有蛾附之句此云蜂聚蛾動
亦蟻字也按爾雅釋蟲蚍蜉大螳釋文云螳本亦
作蛾俗作蟻

蟬石經魯詩殘碑蟋蟀在堂按說文本作蜚徐鼎
臣曰俗作蟬

蝨部

蠶載魏三體石經遺字粵茲載隸釋云載卽蠶字按
周書大誥作越茲蠶壁中眞古文尙書與此碑同
說文云載古文蠶

蟲部

𧈧 唐扶頌德及草虫按說文虫讀若虺卽虺字也
佩觿云蛇虫之虫爲蟲豸其順非有如此者他碑
蟲皆用虫按說文以蟲諧聲之字多省作虫𧈧𧈩
𧈪融是也

𧈧 張壽碑𧈧賊不起按說文𧈧古文作𧈧詩小雅
大田及其蝱賊釋文云蝱本又作𧈧字原云蝱借
𧈧字非也段氏玉裁曰與𧈧部从𧈧豸聲之蝱不
同

鵽倅東海廟碑收賁侵倅按漢書景帝紀侵牟萬民
李奇曰牟食根蟲也侵牟食民比之蚌賊也漢書
蓋以牟爲蚌此碑又借用倅

它部

蛇也

費鳳別碑君有透蛇之節隸釋云以透蛇爲委

蛇按詩委蛇委蛇釋文作委蛇佩觿云蛇余脂翻
透蛇出莊子蛇是遮翻也經典蓋通用

逶逢盛碑當遂逶也隸釋云以逶逶爲委蛇

隋衡方碑禕隋在公隸釋云禕隋卽委蛇出韓詩

內傳金石存云內傳久不傳未知洪氏何據王應

麟詩考本之蓋諸碑形各不同疑委隨爲正餘皆

通用

𥇑部

𥇑𥇑楊君石門頌𥇑漢彊字產伯按說文作𥇑從𥇑
從旦碑今省

二部

𠄎恒張納功德敘穀恒輸沮按卽恒字復於亘上加

點

土部

垤隆無極山碑與无隆俱生按說文地籀文作隆碑
省從豕

坤以孔龢碑則象乾以按易坤卦釋文云坤本亦作
𡿨𡿨今字也六經正誤云𡿨字三畫作六段象小
成坤卦𡿨古坤字陸氏以爲今字誤矣經典作𡿨
者僅見釋文今本皆作坤矣漢律厯志小周乘𡿨
策王莽傳乘乾車駕𡿨馬後漢輿服志蓋取諸乾
𡿨字猶作𡿨也王肅𡿨齒緣切注瀆曰川也古爲

坤字據此則𡩂卽川字而又爲古文坤故諸碑書
坤爲𡩂如川之本字且作𡩂𡩂如川之變體集古
錄云以𡩂爲坤漢人皆爾亦正謂漢人以川爲坤
非言𡩂別爲一字

基其石經尙書殘碑卒卒其隸釋云孔作基按魯相
碑祝其作況基其與基或通用

堂棠魯峻碑棠棠忠惠隸釋云堂堂作棠棠他碑亦
有之按嚴訢碑棠棠容顏與此碑同

聖坐孔彪碑坐家不命按說文聖止也坐古文聖經

典皆用古文碑字又古文之變

史晨奏銘拜謁神坐玉篇座牀坐也神坐之坐
義當作座然說文無座字漢梅福傳當戶牖之法
坐孔融列傳坐上客恒滿皆書座爲坐蓋古座字
只用坐耳

型刑楊信碑追念義刑按義刑卽儀型以義爲儀刑
與型同詩大雅儀刑文王是也又雖無老成人尙
有典刑型亦作刑

城成魯峻碑陰勃海高成又河間阜成按漢書地理

志後漢書郡國志作高城阜城碑蓋以成爲城也
劉寬碑陰亦以聊成爲聊城楊君石門頌亦以西
成爲西城

埧飲石經魯詩殘碑飲飲伐輪方隸釋云毛作坎
埧埧王純碑陰共出義錢埧石碑直按玉篇埧助也
補也增也隸續云以埧爲裨非是

埧唐扶頌諸學徒方相埧助按隸釋云以埧爲裨
非是

垠圻魏大饗碑復九圻之疆寓按說文垠亦從斤作

圻淮南子倣眞訓四達無竟通於無圻高誘注云
圻音寅垠也經典又以圻爲畿字

沂孔憲碑永永無沂按隸釋云以沂爲涯非也漢
書敘傳張良受書於邳沂晉灼曰沂崖也師古曰
沂音牛斤反

墀武梁碑前設礧礧隸釋云礧卽墀按左傳襄十
八年正義曰尙書金縢云三壇同墀王肅本作坦
而解云除地坦坦者則讀爲墀也老子坦然而善
謀釋文云坦河上作墀墀寬也坦尺善反蓋墀古

通坦碑則易土爲石耳

𡵓伊尙書石經殘碑口伊鴻水今書作鯀陜洪水尙
書後案云蔡石經陜作伊古音相似通又按說文
伊殷聖人阿衡尹治天下者尹治也伊从尹兼有
治義伊鴻水或卽治鴻水而汨陳五行其陜自見
石經多異字殆所受不同也左傳井堙木刊服注
周語墮高堙庫韋注皆訓爲甯堙又作堙而堙之
眞字廢矣

增賁王政碑口研興賁隸續云以賁爲墳按賁與墳

通左傳公祭之地地墳公羊穀梁傳並作賁

場易楊統碑疆易不爭按碑蓋以易爲場魏呂君碑
疆易失守與此同

壩
需史晨後碑自以城池道濡麦隸釋云以濡爲壩

堇部

艱 𪔐 劉脩碑少罹𪔐苦按漢書異姓諸侯王表以德
若彼用力如此之𪔐難也師古曰𪔐古艱字說文
云籀文艱从喜

田部

畜穡衡立碑無儋石之穡按史記蔡澤列傳力田穡
積漢書貨殖傳穡足功用師古曰卽畜字

暢暢場暢圉令趙君碑暢於諸夏按說文暢不生也徐鉉
曰借爲通暢之暢今俗作暢非是詩文茵暢轂傳
曰長轂也月令命之月暢月注曰暢充也蓋皆義
之相反而生者也

畱部

畱 白石神君碑萬壽無畱字原云卽疆字按說文
畱界也或從疆土作疆廣韻亦作壙書召詔無疆
惟休古文尙書作畱漢書王子侯表以諸侯王畱
土過制師古曰畱亦壙字也張公神碑畱界茅靜
樊敏碑華南西畱朱龜碑綏我土畱疆皆作畱
疆衡方碑口口无疆按說文疆弓有力也借爲疆

黃部

黃皇靈臺碑陰守皇屋音夫又時令管君欲造皇屋
殿廡隸釋云以皇屋爲黃屋按碑云復治黃屋故
知皇屋卽黃屋也

男部

𠂔 韓勅碑顏氏聖𠂔按卽舅字說文本作𠂔

力部

功公樊安碑曰公德加位特進隸釋云以公德爲功
德按詩以奏膚公傳云公功也又陳球碑生公子
完適齊爲桓公公正隸釋云左傳陳敬仲至齊爲
工正掌百工之官也而此作公正蓋是借用

勳薰夏承碑策薰著于王室隸釋云以薰爲勳

倦倦勞魏元丕碑施舍弗勞按說文勞勞也力倦省
徐鉉曰今俗作倦義同字原旣釋作倦復誤釋
作勞勞之勞從刀非從力也

勛石經尙書殘碑勛建大命按說文勛從冒從力
韻會云俗作勛非

勛孫叔敖碑陰渤海太守按漢書地理志後漢書
郡國志皆作勃海諸碑亦作勃海惟此碑作渤海
勛核樊敏碑投核長驅隸釋云以核爲勛

𠂔部

𠂔 協 蔡湛頌協美公門按說文協同心之和其字從心協眾之同和也其字從十諸碑通用之

汁 史晨奏銘汁光之精隸釋云以汁爲叶字原云汁光之精卽黑帝叶光紀也按禮記月令注迎冬者祭黑帝叶光紀釋文云叶本又作汁又樊敏碑歲在汁洽金石文字記云爾雅歲在未曰協洽史記厯書作汁洽天官書作叶洽周禮太史讀禮書而協事故書協作叶杜子春云叶協也書亦或爲

協或爲汁大行人協辭命故書協作叶鄭司農云
叶當作汁張衡西京賦五緯相汁五臣本作叶五
經文字協古文作叶而緯書有樂汁徵圖漢書五
行志引洪範協用五紀字又作叶師古曰叶讀曰
叶四字皆以十爲聲而從彳從口從水從日則各
異耳

金部

鑠 魯峻碑令德孔鑠 隸釋云鑠易金从女按玉篇
鑠美好也碑蓋以鑠爲鑠非易從女也

鑠 郭究碑於鑠我君隸釋云以鑠爲鑠按卽鑠字
碑變從藥

鍊 涑 冀州從事郭君碑服職鍛涑隸續云以鍛涑爲
鍛鍊按周禮考工記愰氏涑絲澆水又天官鹽人
注謂出鹽直不涑治釋文云涑音鍊按說文涑治
絲也鍊治繒也鍊治金也三字古原通用其字從

東碑變從東

鏡竟駟氏鏡銘駟氏作竟四夷服字原云李氏鏡銘
李氏作竟佳且好青羊鏡銘青羊作竟四夷服皆
從省文按宣和博古圖錄漢冊禮鑑鏡皆作竟

鐘鍾楊著碑元軋鐘德按鍾鐘通用碑則以鐘爲鍾
錯措賈鳳碑舉直措枉按禮記樂記舉而錯之釋文
云錯本又作措同

鎮填老子銘陰不填陽按與鎮同國語是陽失其所
而鎮陰也史記作填

鍾 韓勅碑鍾磬瑟鼓按五經文字鐘樂器鍾量名
今經典或通用鍾爲樂器

鐙 耿氏鐙延光四年二月耿氏作鐙按說文鐙錠
也徐鉉曰錠中置燭故謂之鐙今俗別作燈非是
韻會云鐙燭字本作鐙今爲馬鐙字而燈皆從火
楚辭招魂蘭膏明燭華鐙錯些卽燈字也

鈞 魏大饗碑夏啓均臺之饗隸釋云以均臺爲鈞
臺按集韻均通作鈞書泰誓厥罪惟鈞以鈞爲均
碑則以均爲鈞

且部

俎 韓勅碑爵鹿俎 桓隸釋云以俎爲俎按說文俎
讀若植木閑也集韻云俎或從木作俎
俎 張納碑旣脩俎 桓隸釋云以俎爲俎

斗部

𣪠 斗禮器碑以什言敎按婁機顧藹吉皆釋爲斗翁
氏方綱謂婁顧釋爲斗字無疑佗碑斗字亦皆如
此史記匈奴傳漢亦棄上谷之什辟縣造陽地以
予胡漢書作斗辟師古曰斗絕也辟讀曰僻豈以
隸書什與什相侶傳寫史記者什譌爲什歟

𣪠 度尙碑𣪠敵制勝隸釋云𣪠卽料字按說文料
從斗斗本作考𣪠卽考字之異文也

𣪠 余楊君石門頌余谷之川隸釋云以余谷爲斜谷

按說文斜从斗余聲讀若茶急就章板竿所產谷
口斜王應麟音釋云斜碑本作茶古字同音借用
以余爲斜猶以茶爲斜也集古錄云以余爲斜漢
人皆爾又詔書開余及開通褒余道石刻開通褒
余道三刻斜皆作余

𠂔部

𠂔石經論語殘碑則哀𠂔而勿喜按說文作𠂔從
𠂔今聲六書正譌從令諸碑𠂔皆從令豈正譌據
隸以正篆耶然依漢石經論語校官之碑魏受禪
表皆作𠂔正之毛詩與天臻民旬等字韻讀如鄰
古音也至晉張華女史箴潘岳哀永逝文始入蒸
韻由是巨巾一反僅見方言注過秦論李注廣韻
十七眞而他義皆入蒸韻今音之大變於古矣若
徐鼎臣曰居陵切又巨巾切此不達原委之言也

車部

輶指魏孔羨碑指五瑞按書舜典作輶史記五帝本紀漢書郊祀志引書並作指師古曰指與輶同又漢書兒寬傳統指羣言師古曰輶指與集三字並同虞書曰指五瑞是也其字從木指與指兩處不同証以此碑則從手者爲是

輶輶魯峻碑礪落彰輶按卽輶字說文作輶徐鼎臣注引唐韻音古岳切

輶館祝睦後碑七政館鍔隸釋云館鍔卽管輶字按

趙岐孟子題辭五經之鎔鑄孫奭音義云鎔音管
方言作輶輶急就章輻輳輶輶輶輶輶輶輶輶輶輶
釋云鎔鑄碑本作輶輶鎔卽輶字非管字也

載飢鄭季宣殘碑觀國之光飢口口帝按說文作飢
讀若載玉篇飢咨代切始也古文尙書凡載皆作
飢石鼓文酋車飢道又飢西飢北音訓云飢古文
載隸續誤釋作飢

縱輶夏承碑紹縱先軌隸釋云郭仲奇碑云有山甫
之縱又云徽縱顯魯峻碑云比縱豹產趙圍令碑

云美其縱高外黃碑云莫與比縱此碑云紹縱先軌皆以縱爲蹤蕭何傳發縱指示獸處顏師古注云書本皆不爲蹤字讀者乃爲蹤蹟之蹤非也據此數碑則漢人固多借用顏氏之注殆未然也

從楊著碑追從曾參繼迹樂正隸釋云從卽蹤字按類篇從步緩也乃借從爲蹤非蹤字也

自部

堆自魑周憬功勲銘殄絕犁魑隸釋云以犁魑爲犁堆
按楚辭天問魑堆焉處注一作魑魑

阜部

陽羊綏民校尉熊君碑治歐羊尙書隸釋云以歐羊爲歐陽按集古錄云以陽爲羊蓋古文字少故須假借至漢字已備而猶假用何哉

阿猗高彪碑稽功猗衡隸釋云說書者以阿衡爲猗平正義曰古人讀阿猗同音故以阿爲猗此銘以猗衡對申甫若取音同則是借猗作伊若以偏旁假借則倚阿皆與猗相近也按詩衛風綠竹猗猗吳棫韻補叶於何切猗有阿音則是借猗爲阿也

陂波孫叔敖碑波障源淥隸釋以波爲陂按漢書諸侯王表波漢之陽鄭氏曰波音陂澤之陂又魏相傳弛山澤波池貨殖傳水居千石魚波陂皆作波
陂反魯峻碑陰河東蒲反按反與坂通漢書地理志蒲反後漢郡國志作蒲坂

隅隅綏民校尉熊君碑泣淚路隅隸釋云隅卽隅字按左傳陷西北隅以入釋文云隅本或作隅

隅劉熊碑惟德之隅隸釋云以隅爲隅按此句其銘辭也上與樞字同協和其引用詩語詩大雅作

維德之隅

嶠李翊碑聲冠方嶠按嶠與隅通書益稷至于海隅蒼生君奭丕冒海隅出日古文尙書皆作嶠險儉張表碑動乎儉中隸釋云動乎儉中與今之易不同按易屯卦作險中荀子俗儉而百姓不一楊倞注云儉當作險儉與險古蓋通用

隗塊帝堯碑其先出自塊隗隸釋云帝王世紀曰炎帝一曰魁隗氏此云塊隗猶包犧之爲伏羲

峭險周憬功勳銘增陵峭方甚隄隋按史記鼂錯傳

錯爲人陷直刻深注韋昭曰岸高曰陷漢書鼂錯
傳注師古曰陷字與峭同峭謂峻陜也

峻駸駸羊寶道碑危駸回遠隸釋云駸卽峻字按詩大
雅駸極于天釋文云駸又作峻同

俊邨閣頌克明俊德按俊與峻通書堯典克明俊
德禮記大學作峻德

狹陝徐氏紀產碑耕植陝少隸釋云以陝少爲狹少
按爾雅釋宮陝而脩曲曰樓釋文云陝戶夾反說
文云隘也從自夾聲俗作狹今人以宏農陝縣字

書陝之字音失冉反狹代陝行之久矣愚攷說文
陝縣之陝從兩入陝隘之陝從兩人變隸不分以
陝爲陝別作狹以代陝而專用陝爲陝縣字

陝邦唐扶頌分邦之治隸釋云反陝爲邦此用字之
異者按公羊傳自陝而東者周公主之自陝而西
者召公主之何注陝者蓋今宏農陝縣是也釋文
云陝一云當作郊古洽反王城郊鄔據此碑則亦
以邦爲陝可與釋文相証非用字之異也
俠任伯嗣碑役俠就寬按碑蓋以俠爲狹

陷 𡵓天井道碑堅無𡵓潰隸釋云卽陷字按說文𡵓
小阱也碑蓋以𡵓爲陷

𡵓 西狹頌刻𡵓確崑按碑亦以𡵓爲陷

𡵓 𡵓周憬功勳銘增陵𡵓𡵓甚𡵓𡵓按玉篇𡵓或作
𡵓

賁 賁北海相景君銘賁絕奄忽按周禮春官大司樂
注若星辰奔賁左傳宣十五年有死無賁公羊傳
定元年經賁霜殺菽漢書司馬相如傳灋灋賁陸
太史公自序惠之早賁凡賁皆作賁字說文賁雨

也隕從高下也碑蓋借質爲隕西狹頌數有顛覆
質墜之害夏承碑夙世質祉戚伯著碑奄隨質歿
司馬季德碑不質其功漢碑多以質爲隕

墮隋隋郝閣頌人物俱隋按卽隋字詩召南標有梅傳
云盛極則隋落者梅也釋文云隋迫果反又衛風
氓之蚩蚩傳云隕隋也釋文云隋又作墮說文云
隋裂肉也侈落也古蓋借隋爲侈後人則段墮爲
侈又以墮代墮隋改爲隨相承已久不可正又陳
君閣道碑隋隕顛隋亦作隋與此碑同

墜隊隊陳球碑不隊前軌按卽墜字禮記中庸霜露所
隊墜亦作隊

隧石經論語殘碑未隧於地隸釋云板本作墜按
漢書王莽傳不隧如髮敘傳厥宗亦隧墜皆作隧
荀子至其頭山隧楊倞注隧讀曰墜楚辭九歌矢
交隧兮士爭先洪興祖補注云隧與墜同

隧西扶頤數有顛覆實隧之患隸釋云以隧爲墜
隧繁陽令楊君碑垂不翳墜隸釋云墜卽墜字按
廣韻墜與燧同碑蓋以墜爲墜非卽墜字也

隔高楊君石門頌垓南尤艱隸釋云南卽隔字按漢書五行志鬲閉門戶師古曰與隔同

障鄣衡方碑保鄣二城按集韻障或作鄣馮煥詔去年鮮卑連犯鄣塞朱龜碑鮮卑數犯鄣塞障亦作

鄣

隱既劉熊碑勤恤民殷隸釋云以殷爲隱按詩召南殷其雷之殷釋文音隱碑蓋同音而借也

隤隤魏大饗記殘碑唐君元龍西人隸續云龍卽隤字按玉篇龍力孔切嵯峨兒碑蓋借龍爲隤非卽

隴字也

陳陳魯峻碑九江壽春陳龔按陳氏之陳卽陳國之陳此碑陳陳互用

卽位也案卽祚猶踐祚也祚又通阼

曹騰碑陰踐阼之初隸釋云阼與阼同按碑蓋以阼爲阼非與阼同也阼同祚祚亦訓位踐阼之阼或如魏受禪表紹天卽祚之祚其義亦通

韻部

隄阮侯成碑濟大上皇於鴻溝之阮按阮卽隘字廣
韻又音於革反危也

公部

景曜冀州從事郭君碑世作礪爲台衡按礪與磊同
蓋借礪爲累也

七部

𠂔 未 李翊夫人碑壽十二兮九九期三五未兮表左
姬按卽𠂔字亦借用作七也廣韻云漆俗作沫碑
蓋去水爲未耳金石文字記云漆後人省筆作𠂔
趙古則謂以七漆二字合成造之非也山海經剛
山多𦵏木水經注漆水下有𦵏縣𦵏渠𦵏溪字皆
作𦵏今作未又𦵏之省據此益知未之爲𠂔無異
隸釋以爲卽未字非是

𦵏 新莽候鉦重十𦵏斤隸續云說文𠂔象形如水

滴而下賈山云漆塗其外是也而漆臬締紵椅桐
梓漆之類經傳已多借用至今反以漆爲古字漆
沮之漆卻有省其水者韓勅碑書漆作𣎵此云重
五十來斤者隸法小變而借用作七也按鄭固碑
膝旁作來與此正同金石文字記云漆古七字太
元經元攤曰運諸漆政元梔曰梔擬之漆方言
曰吳有漆娥之臺王莽侯鉦銘重五十漆斤是也

𪔐部

獸狩張遷碑張釋之建忠弼之謨帝遊上林問禽狩
所有漢書張釋之傳作禽獸碑蓋以狩爲獸也楊
君石門頌憲虫蔽狩亦以狩爲獸

乙部

亂夢北海相景君銘爾曰按說文爾讀若亂同古文
尙書亂皆作爾字原旣釋作亂復誤釋作辭

辛部

𨮒 𨮒景北海碑陰乃著遺辭按說文辭不受也從辛從受與辭說之辭不同碑蓋通用

𨮒 孔龢碑演易繫辭按易𨮒辭本亦作𨮒𨮒籀文辭也古通用

𨮒 無極山碑其𨮒曰按說文辭籀文從台碑蓋以辭爲辭

辨部

辨 𠩺 𠩺 羊竇道碑治狀 𠩺 明按易剥卦剥牀以辨古周
易作 𠩺 詳碑文義蓋言治狀辨具而明悉也字原
誤釋作分

辨 魏大饗碑戎備素辨按廣韻辨具也俗作辨易
剥卦剥牀以辨釋文云辨音辨具之辨周禮考工
記以辨民器史記秦始皇紀倚辨於上項羽紀項
梁常爲主辨辨皆作辨

子部

𦵏滋堯廟碑滋滋汲汲隸釋云以滋滋爲孳孳按孔叢子滋滋汲汲與此碑同

𦵏荪校官碑履荪竹之廉字原云義作孤按玉篇荪同荪五經文字云荪釋文作孤以荪爲孤猶以孤爲荪也

巳部

巳 鄫閣頌二月辛巳按廣韻巳又音似辰名毛晃
增韻云陽氣生於子終於巳巳者終巳也象陽氣
既極回復之形故又爲終巳字今俗以有鉤挑者
爲終巳字無挑鉤者爲辰巳字是蓋未知其意義
也韻會云按史記巳者言陽氣之巳盡也博雅云
巳目也釋名云巳巳也如出有所爲畢巳復還而
入也是辰巳字不特書作巳亦讀如終巳之巳也
夏承碑六月癸巳巳亦作巳

己己楊著碑皆所己紀盛德傳無窮者也字原云以
己爲以按以己古或通用荀子人之所己爲人者
何己也楊倞注云己與以同帝堯碑己章聖德又
報己嘉瑞又敦我已德厲我已仁以皆作己

酉部

配妃韓勅碑并官聖妃按易豐卦遇其配主釋文鄭作妃云嘉耦曰妃宅經皆出妃云本亦作配詩衛風有狐序喪其妃耦焉左傳各有妃耦史記外戚世家甚哉妃匹之愛漢書高后紀高祖微時妃妃皆音配說文妃匹也配酒色也是妃爲正字配通用字

酌卓石門頌揆古卓今案是以卓爲酌也儀禮覲禮匹馬卓上九馬隨之鄭注讀卓王孫之卓猶的也

古音如酌非如廣韻之音竹角切鄭故特著之以明其異而的字古亦音酌詩賓之初筵發彼有的與以祈爾爵爲韻釋文亦出有勻云本亦作的同故鄭云卓猶的也以的證卓其音酌益明碑以同音而借用也說文的明也从日勻聲易曰爲的類今易作的詩亦作的俱應傳寫之誤非从白也